

# TRACTATUS DOMNI THOME

MONACHI DE RADOLIO,

DE

# VITA VEN. PATRIS DOMNI PETRI, ABBATIS CLARÆ-VALLIS<sup>(1)</sup>,

QUEM

Ex codice Trecensi, sœculi xiiii, n° 1133 inscripto, descripts et primum integre  
vulnici juris fecit Ph. G.

## EPISTOLA DOMNI THOMÆ MONACHI IN VITA DOMNI PETRI ABBATIS CLAREVALLIS.

*Domino et amico suo WALCHERO Longipontis abbatii, frater THOMAS monachus de Radolio, salutem. Cum adhuc superstes foret magister Adam antecessor et socius vester et noster, de rebus ad commodum animo spectantibus nos tres pariter et pluries censerebamus; ego autem exempla bonorum plerumque propenens sepius rogabam a vobis ut ea litteris commendarem: sed conscientia mihi insufficientis eloquii p'uteo calamoque parcebam. Econtra autem silentii reatum formidans aliqua de Domino Petro Abate Clarevallis apicibus annotavi. Eam scripturam vobis mitto. Si quod est peccatum in sermone vel extra sermonem, hoc est in scripto vel sententia, lingue vestre scusuisse emendationem committo. Ego quippe quibusdam ex causis et precipue per caligine oculorum, lime labori assistere satis non potui, nec ursorum more lambere setum meum, et informem rudemque materiam ut decebat effigiare. Si scriptura luce videtur indigia, eam sepelitote; si non est tradenda sepulchro, manifestate eum coram Ephraim et Benjamin et Manasse: id est Deum timentibus, quibus ea que Dei sunt in cordis palatio mel sapiunt. Nam superbia eorum qui Deum oderunt et ascendit semper, hujusmodi contemnit et irridet; quin et eorum scriptoribus detrahere non veretur. Sicut ergo margarite non sunt ante porcos spargende, sic sanctum de quo scripsimus nolite dare canibus, sed eis qui a Xro mites et humiles esse didicerunt. Tales forsitan in litteris nostris invenient aliquam requiem animabus suis.*

## INCIPIT PROLOGUS OPERIS SUBSEQUENTIS.

*Cum multisque modis Ecclesiam suam quæcumque ipse fundavit Aliissimus nunquam regere, nunquam glorificare destiterit, viros virtutibus et signis insignes, quod propè specialis est gratie celestis effectus, siquidem ex hoc fides roboratur et virtutis emulatio provocatur, eidem semper continuata virtute providit: quod ab ipsa Salvatoris presentia corporali usque ad nostrum tempus, annum scilicet incarnationis ipsius millesimum ducentesimum quartum series hystorialis deducta litterisque commissa declarat. Hoc autem tempore quoniam habundavit iniquitas, refringit caritas multorum (Matth. xxiv): ex quo ipsis quoque fidei formidamus eclipsim; diminute siquidem sunt veritates a filiis hominum et defecit*

(1) Vide Patrologia tom. CLXXXV, col. 1044.

sancius (*Psal. xi*) : ille nimirum qui *plenus gratia et fortitudine faciat prodigia et signa magna in populo* (*Act. vi*), dicatque confidenter : *opera que ego facio in nomine patris mei ipsa testimonium perhibent de me* (*Joan. x*), immo potius de fide, per quam Deus decrevit salvare credentes in se. Signis et revelationibus indiguit primitiva Ecclesia, et ea copiose possedit; ceterum et proiecta eodem indiget alimento, ut eadem medicina que contulit sospitatem, conservet collatam ; ad quod signa recentia efficaciora videntur quam vetera, ut est in medicorum speciebus, ipsa vetustate parum in pluribus operari probantur. Sed quia non est qui faciat hoc bonum, non est nec usque ad unum (*Psal. xiii*), utiliter agere me credo quod virum virtutis et nostro tempore singularem, quem vidi, quem agnoui, Petrum Abbatem Clarevallis, quoad calamo nostro fieri poterit, a defunctis revocare propono : ut sicut viventes edificavit vires, sic eosdem edificet et defunctus. Et sicut est, ut indubitanter credimus, in eternam, ita sit in hominum memoria, ad fidem scilicet eorum roborandam et ad excitandum in eis Divinum amorem. Sed ab hoc proposito me plurimum revocare contendit consideratio mei, cuius persona corporis infirma est et sermo contemptibilis (*II Cor x*), timeoque presumptionis argui, qui materiam disertissimis reservandam impudens occupaverim. Vereor que ne vir tantus secundum id estimetur, non quod fuit, sed quod ab inertis poeta describitur. Denique pauca sunt illius que noverim, plura in nostram notitiam non venere. Unde ab ejus obitu annis pluribus iam elapsis tacui et oscultavi et prestolabar foretne quis de suo ordine, id est Cisterci, ubi multitudo sapientum sanitatis est orbis terrarum, precipue qui ei assiduus et familiaris astitisset, qui ejus texeret historiam. Sed hactenus cum nec reperi nec audivi. Siquidem illius ordinis philosophi majorem operam impendunt silentio quam stilo. Hec igitur necessitas taciturnitatis nec causas premissas elidens, impedit ut pauca que ab ipso, vel a bonis viris de ipso didici, quasi quedam fragmenta colligam ne percant, et calamo qualicumque describam. Forsitan ex hac occasione aliquis vir nobilis et urbane eloquentie et nil habens in sermone rusticitatis admixtum, enormiter tractata rethorice retractabit. Insuper et ea que nos de illo viro latent et opusculo nostro desunt supplebit. Quin etiam lutum nostrum in argentum, scoriam in aurum, panes hordeaceos in similam, aquas vel insipidas in vinum, vel amaras in dulcorem, *gratia in labiis suis diffusa* (*Psal. xliv*), convertet. Interim tamen de nostro qualicumque labore non mihi sint ingrati qui hec legere dignabuntur : immo mihi gratiam et affectum rependant, et si non pro operis utilitate, tamen pro utilitatis intentione. Nunc quoniam, ut ante nos dictum est, indecens est in proemio effluere et in narratione succingi, satis est hoc usque de Prologo ; jam Xro preside narrationi digitos inseramus.

*De patria Petri et sancta ejus con�eratione Ignaci, I.*

*De visione ejus antequam ingredetur Igniacum, II.*

*Quod in sua novitate quasi quemadmodum spiritum in se venire sensit, ex quo semper idem sibi similes in omni casu deinceps fuit, III.*

*De persona quadam, ut credibile est, angelica que eum dormientem in choro excitaba, quaque ipse vidit, IV.*

*De dolore capitis quem aliquando in vigiliis passus est et de quo est miraculose liberatus, V.*

*De magna Dei dulcedine quam ipse expertus est, et auctoris invective contra incredulos, VI.*

*Quod Prior fuit Ignaci, deinde Abbas Vallis Regie, et quod ejus electionem visio quedam precessit, VII.*

*De mercennario qui grangiam Vallis Regie voluit incendere et per hominem Dei mirabiliter impeditum est, VIII.*

*De morbo quo in eadem abbatia laboravit, et ejus liberatione, IX.*

*Quomodo a Valle Regis translatus est Ignacum, et de presagio Roberti monachi super hoc, X.*

*Responsum divinum super eadem re ad monachum Nicolaum, XI.*

*Aliud item responsum ad eundem Nicolaum de agenda penitentia, XII.*

*De discretione domini Petri circa se et circa suos subditos, XIII.*

*De visione ipsius mirabilis super auxilite Baldino, XIV.*

*Actoris testimoniis super eadem visione, XV.*

*De visione Domini Petri super Henrico Comito Campanie, XVI.*

*De fratre defuncto quem post obitum manifeste vidit, XVI.*

*De quodam egroto pro quo orauit, et eger in somno se ab eo verberari pidebas, XVII.*

*Quomodo revelatum est ei quod foret Abbas Clarevallis, XVIII.*

*De morte Geraldii Abbatis Clarevallis apud Ignacum, XX.*

*De visione cuiusdam fratris Clarevallis que precessit electionem Petri, XXI.*

*De electione ejus in Abbatem Clarevallis, et Gilleberto Priore a feribus per eum liberato, XXII.*

*De equo eiusdem Gilleberti per eundem Petrum a malo endendi usu liberato, XXIII.*

*Quomodo vocaverit eum Papa Romanus et honorarerit, XXIV.*

*De electione cuiusdam episcopi et laudabili verbo Petri super ejus electione. XXV.*

*De patientia ejus quando perdidit oculum, XXVI.*

*Quid electurus Priorem Ignaci cuidam fratri responderit, XXVII.*

*De adventu ejus Remis et forma in equitando, et actoris presagio de morte ejus, XXVIII.*

*De ejus obitu Funiaci, XXIX.*

*De dente ejus quem unus fratrum defuncto voluit extrahere, et de sepultura in Claravalle, XXX.*

*De visione satis gratiosa cuiusdam monachi et Prioris post ejus obitum, XXXI.*

*Actoris apologia super operis imperfectione et minore credulitate quorundam, XXXII.*

*Actoris Epistola dum viveret ad virum Dei et operis Epilogus, XXXIII.*

*Conclusio operis, XXXIV.*

### Expliciunt capitula.

## INCIPIUNT ACTUS BEATI PETRI ABBATIS CLAREVALLIS.

Petrus patria fuit Vitalis, parentibus secundum seculi dignitatem, ut dicebatur, excelsis; quod tamen quantum potuit summa semper dissimulatione celavit. Hic adolescens gratia litterarum petens auditoria Gallicana Ygniacum venit. Qui locus non procul a Remis Ordinis Cisterciensis erat eo tempore novella plantatio. Ibi visa fratrum conversatione celesti, in Dei amorem accensus, habitum religionis assumpsit. Nescit tarda molimina sancti Spiritus gratia. Si quidem operante in ipso illo eius velociter currit sermo (*Psal. cxlvii*), consummatus est in brevi ac si explessisset tempora multa. Erat statura mediocris, brevioribus tamen accedens; tenuis corpore, immo magis [attenuatus] et in ipsa tenuitate nervosus ac solidus. In victu et vestitu nimium frugalis et parcus; in cibo nil facile preter commune presumens, de communi etiam sepe sibi multumque subducens. Indumentum sibi tunica et cuculla indiscretis fuere temporibus, preter unam solam tunicam vel cucullam quam supra solitum byemis tempore presumebat. Calciamentis que hote dicuntur nullo unquam nec hyenis tempore, pedulibus quoque nec nisi simplicibus utcebatur. Vigiliis fratrum non solum jugiter sed ita pertinaciter intererat, ut cum ex occasione laboris aliquius quiescendi occasionem haberet, invictum a psalmodia spiritum non relaxabat. Orandi habebat vix credibilem facultatem; et cum sit difficilis usus ejus, ad eam quotiens vacabat de facili accedebat, et ab ea etiam cum vocabant negatia vix poterat avocari. Plures in pluribus excellunt virtutibus et excellentium sunt emulaores karismatum, sed raro valde verus et perfectus humilis invenitur. Ipse est, ut estimo, quem beatus ita diffinit Bernardus: *Verus, inquit, humilius vilis vult videri, non humilius reputari.* Hoc bonum singulariter et mirabiliter obtinebat iste sanctus. Nam gratias quasdam quibus gloria temporalis potissimum comparatur, politum scilicet eloquium, venustatem persone, in negotiis secularibus industriam, domesticam curam portare et ex eo amplius dominari, et favorabiliter largum esse, nec habebat nec habere querebat. Cum interea bona illa quibus in oculis Domini coruscabat

A nec notabiliter possideret, et quantum potera celare studeret, nimis se vilem et obscurum humano putabat judicio. Et quia super hac obscuritate gaudebat, et eam modis omnibus, salva solum conscientia, appetebat, concludere licet quod veraciter humilis erat. Et certe in hac parte, uti reor, nullum habuit suo tempore vel parem vel sine dubio superiorem. Nec tamen hanc vilitatem quam potissimum appetebat, ut putabat, obtinebat. Siquidem eis qui recte noverant judicare, qui simulationem a vero, ypocrisim ab auro, fructum a soliis callebant discernere, venerabilis erat, singularis et mirabilis apparbat. Itaque cum excellentia religionis etiam magnis superiorem, singularis humilitas insirmis et insimis eum redderet equalem, utrumque reverendum cunctis reddebat simul et admirabilem, carum et amabilem.

### II.

De moribus Domini Petri paucis, immo paucissimis ad moritum ipsius premissis, exequamur aliqua que testes nobis idonei tradiderunt, in quibus testimonium Dei quod majus est, manifestius apparuisse probatur. Cum venisset, ut premisimus, in Gallias, contigit ut appropinquaret Ignacio. Nocte igitur quadam antequam ad domum venisset, vidi in visione nocturna quod aulam ingredieretur pulchritudinis eximie. Et seges posita erat in ea, et supra sedem sedens mulier reverendi admodum vultus et habitus. Ingredienti regiam occurribant canes horribiles et nigri impetu facto quasi eum protinus necaturi. Sed Domina venerabilis, canibus illis magna auctoritate fugatis, illum ad se vocatum blandis manibus et pio-deimuleens alloquio intrepidum protinus et securum esse jubebat. Quid hec visio portenderit facilis est conjectura. Aula siquidem illa domum Ignaci, mulier sedens Beatam Mariam, canes nigri cacodemones significare videntur. Cetera in hunc sensum proficiunt.

### III.

Cum igitur receptus esset Petrus juvenis devotissimus, non paulatim et per incrementa ad perfectionem ascendit, sed velut in momento et iectu oculi decorem induit. *Induit se fortitudine et pre-*

cinxit virtute (*Psal. xcii*), in omni loco, in omni tempore, in omni denique fortuna, idem constantissime perseverans. Cujus jam provecte etatis constantiam cum quidam abbas, qui mihi hoc retulit, familiaris ejus admirans, causamque tante identitatis non solum sedulus sed improbus etiam explorator inquireret, ille, ut erat benignissimus et qui facile a familiaribus suis vincebatur, respondit: « Cum easdem, inquit, novicius, quasi quidam spiritus sensibiliter mihi visus est in me intrare. Extunc usque nunc spiritus ille, vis illa vel effectio mihi quodammodo dominatur, regit et dedit verum omen Joseph. Sparsum per exteriora frequenter introrsum colligit; aliis volentem intendere ad orationem cogit; ea que oculis ingeruntur, aut auribus obstrepunt facit aliquotiens non sentire. » Hec que de se ipso vir beatus quadam violentia caritatis confessus est, consonant eis que Papa Gregorius in quadam omelia sic ait. *Quem perfecte eterne vite caritas absorberit, ad terrena foris desideria velud insensibilem reddit.* Ita quoque vir iste cogitatione et avilitate in illa eterna patria conversatus, et rerum immobilium conformis affectus, immotus in se permanens, omnem motum cordis et saltum mentis, omnesque turbellas et tempestates animi, quibus homines estuare et fluctuare vindentur, quasque religio vera deponere jubet, magna mentis fortitudine nec penali sed tamquam innata sibi et naturali cohibelat.

## IV.

Dum adhuc novicius vel novus esset in ordine, aliquando nocturnis vigiliis intererat, aliis psallentibus, ipse stans in choro et fatigatus dormitabat. Sensit quasi tactum alicujus qui pulsans eum suaviter excitabat. Putavit Priorem, cuius erat consuetudo circuire chorum et fratres excitare sopitos. Evigilans ille apertisque oculis nullum videbat. Cumque hoc et sepe contigisset, et sepius excitatus excitatorem non videref, intellexit divinam esse virtutem, et egre forebat quod ei se offerebat sequelabat. Quadam igitur nocte dum solitum excitatorem sensisset, excitus oculos citus et intentus operuit, vidiisque adstare sibi juvenem splendidum et decorum, et, ut ejus verbis utar, aureos habentem capillos; qui statim ab illo discendens, per medium chorum ibat et morose, et manifeste visus ab ipso, postquam diu apparuit, disparuit. Hoc ipse mihi retulit: sed et id quod subjiciam nichilominimus et ipse narravit.

## V.

Media nocte Dominica fratres psallebant in oratorio et ipse cum illis. Dolor capitis eum invasit et ita vehemens ut choro egredi cogitaret. Ad quod agendum cum dolorem non sustinens se moveret, vocem audivit sic docentem: *Laudans invocabo Dominum et ab infirmitatibus meis salvis ero* (*Psal. xvii*). Hac voce confortatus remansit in choro, et post modicum intervallo invalescente dolore iterum egredi disponebat et iterum insomnis vos pre-

cepsit virtute (*Psal. xcii*), in omni loco, in omni tempore, in omni denique fortuna, idem constantissime perseverans. Cujus jam provecte etatis constantiam cum quidam abbas, qui mihi hoc retulit, familiaris ejus admirans, causamque tante identitatis non solum sedulus sed improbus etiam explorator inquireret, ille, ut erat benignissimus et qui facile a familiaribus suis vincebatur, respondit: « Cum easdem, inquit, novicius, quasi quidam spiritus sensibiliter mihi visus est in me intrare. Extunc usque nunc spiritus ille, vis illa vel effectio mihi quodammodo dominatur, regit et dedit verum omen Joseph. Sparsum per exteriora frequenter introrsum colligit; aliis volentem intendere ad orationem cogit; ea que oculis ingeruntur, aut auribus obstrepunt facit aliquotiens non sentire. » Hec que de se ipso vir beatus quadam violentia caritatis confessus est, consonant eis que Papa Gregorius in quadam omelia sic ait. *Quem perfecte eterne vite caritas absorberit, ad terrena foris desideria velud insensibilem reddit.* Ita quoque vir iste cogitatione et avilitate in illa eterna patria conversatus, et rerum immobilium conformis affectus, immotus in se permanens, omnem motum cordis et saltum mentis, omnesque turbellas et tempestates animi, quibus homines estuare et fluctuare vindentur, quasque religio vera deponere jubet, magna mentis fortitudine nec penali sed tamquam innata sibi et naturali cohibelat.

## VI.

Jam vero quam proximus ille Deo fuerit ex eo quod supponam poterit estimari. Loquebar aliquid cum ipso do nostre fidei ratione: cumque ei ut familiari faterer me contra ipsam quandoque aliqua temptatione pulsari, simul etiam quererabam ab ipso an aliquid unquam hujusmodi temptationis sensisset: « Non inficiar, inquit, me tactum plerumque hujusmodi cogitatione, sed multiplex experimentum fidei omnem ipsius infirmitatem firmavit. » Pergens ultius presumpsi querere quid foret quod in eo talam firmitatem fecisset. Ille ut erat mitis et humilis corde, erga amicos autem facilis et tractabilis: « Multa, inquit, de Deo, et aliquando tale aliquid sensi, quod cum sentire desisi, gravius tuli quam si in clibanum ardentes proponceret. » Xpm testor spemque communem hec eadem verba eum mihi dixisse. Hanc attestacionem adiectere nonnullorum incredulitas, vel quod pejus est credentium invidia me coegit, qui per duritiam cordis credere nequeunt vel per malitiam credi nolunt tantam gratiam habuisse Dei servos vel habere modernos. *Ingenium*, ut ait beatus Jeronimus, *at vina probantes, antiques venerantur, juniores contemnunt.* Nunquid antiquorum Deus tantum nonno et juniorum? *Non est personarum acceptor Deus nec temporum, sed in omni genere et in omni tempore qui timet Deum et operatur justicium acceptus est illi* (*Act. x*). Cur igitur iste Deo acceptus non fuerit, et ita ut a Deo gratiam accepere per quam de Deo ea expertus sit que non nisi perfectissimi experiri mercantur, cum ipse forsitan perfectissimus fuerit? Et quidem in quibusdam gratiis, ut sic dixerim, secularibus plerisque sine dubio impar fuit. Nam, sicut in ingressu hujus operis premisimus, nec *speciosus forma pre filiis hominum*, non in vestitu deaurato circumdatu varietate (*Psal. xliv*), nec in curribus et in equis, non sollicitus et turbatus erga plurima (*Luc. x*) per negotiorum exteriorum industriam, non de gygantibus qui gemunt sub aquis (*Job xxvi*), non ambulavit in magnis et in mirabilibus super se (*Psal. cxxxi*), sed in his omnibus non est Dominus. Non enim est, sicut scriptum est, in spiritu, nec in commotione, nec in igne, sed in sibilo aure tenuis (*III Reg. xix*) et in voce que facta est ad Helyam et ad comparem ejus Iohannem, quam amicus iste

sponsi qui stabat sepe et intime audiebat. Quam ejus intimam claritatem aliqui quoniam ignorabant, secundum faciem judicantes, ipsum minus aliquotiens estimabant. Contempserunt olim invidi et insensati magnum Martinum, similiter indignum episcopatu dicentes hominem vultu despicabilem et veste sordidum, crine deformem; nec tamen huic viro desuerunt gratie iste-exteriores, et ut preminamus, seculares: habebat eas ad sufficientiam, sed in eis tenebat temperantiam, ne, si in his et ab his teneretur assiduus, in his que pro his amabat et amare debebat esset parvus aut nullus; quod faciunt plerique prelati, immo etiam in hoc gloriantur, in hoc gaudent, hoc jactant quod in exterioribus sunt industrii, et ipsis succedit in illis: cum interim intima sua projicientes, jacturam interiorum non sentiant et ea que preponenda forent postponentes, curam scilicet animarum, aliis cas curandas committunt, quas ipsi per se curare deberent, innitentes prudentie sue et de Domino non sperantes. Propter quod et Deus tales quandoque deserit et tradit in manibus inimicorum suorum, et comprehendit sapientes in astucia eorum (*Job v.*). Iste vero de Deo confidens, interiora curans, exteriora fidis committens, quoniam Deum ipse curavit, Deum suum curatorem habuit, sicut in sequentibus, cum ad id loci ventum fuerit, evidenti probabitur argumento.

## VII.

Sed jam ad narrationis ordinem redeuntes dicamus quod dum in ordine singulari singulariter ille vixisset, factus est Prior Ignaci. Quod item officium cum strenue satis et laudabiliter impleret, in Abbatem Vallis Regie, que una est de filiabus Ignaci, electus est. Quam ejus electionem visio talis antecessit. Videbatur Abbat qui tunc preerat Ignacio candelabrum ardens et lucens ante altare positum principale subito per vitream majorem exire; et post modicum electus est Dominus Petrus. In Valle illa Regia duo contigerunt ei que non vulgari et incerta sed religiosi fratris ejusdem Abbatie monachi et cellararii, nomine Nicholai, didici relationem.

## VIII.

Quidam de mercennariis ejus loci mercedem habere non poterat, cum eam frequenter exegisset; cellarario scilicet dissimulante, immo quibusdam ex causis reddere nolente, et de jure non esse ei reddendam asserente. Hoc igitur ad Abbatem cum ille vellet referre, nou poterat: tunc siquidem egrotabat, et hunc ad eum ingredi cellararius non sinebat. Serviens igitur seviens et ira que furor est brevis accensus, ad unam de grangiis Abbatie intimis accessit, ferens prunas ardentem in carbō, et clam igne supposito grangiam incendere disponebat. Hec eo cogitante affuit servus Dei, et quid vellet agere requirebat. Expavit ille stupore vehementi; et cum rem celare non posset, propositum suum causamque propositi confessus est. Cui Ab-

A bas: « Ne facias, inquit, hoc facinus: cras autem ad me in infirmariam veni; mercedem tibi jubebo restituui, nec erit qui ad me tuum intercludat ingressum. » Fecit ille ut ei fuerat imperatum, et in crastino, nullo prohibente, veniens ad Abbatem, ut promissum impleret orabat. Porro Abbas hec omnia ignorabat, sed se ignorare dissimulans rei geste seriem diligenter inquirit et audit; emissaque homine cum spe certa mercedis habende pronominato Nicholao qui ei ministrabat, sic ait: « Vere, frater, si nos de Domino cogitaremus, Dominus cogitaret de nobis. » Conjiciens ille aliquid eum quod magnum foret audisse, insecurus hominem abeuntem prudenter et ingeniose pollicens se et celare consilium et accelerare negotium, rei geste narrationem extorsit. Hoc est primum et magnum miraculum: secundum autem simile est huic non forma sed gratia.

## IX.

Morbus, quem fistulam dicunt, afflictum Dei hominem languidumque reddiderat. Transivit per eum locum monachus quidam de Claravalle, celeber in arte medicine. Suggesserunt ei fratres et ipse suasit et persuasit abbati ut morbum inspicret. Videlicet fratribus fistulam esse respondit: et eo loci quo secari ac per hoc sanari non posset; adjiciens hoc verbum: « Homo iste si Pascha viderit nunquam amplius morietur. » Significans scilicet quod nec sanari valeret, et infra talem terminum moriturus foret. Convaluit tamen, multisque postea vixit annis; sed quomodo convaluerit, hactenus incognitum fuit.

## X.

Postquam fratibus Vallis-Regie aliquanto tempore prefuerat contigit quod Abbatia Ignaci Abbatem non habebat. Moris est ut convenient Abbottes subjecti vel filii ad electionem principalis patris et Abbatis. Vir igitur Domini Petrus, assumptio secundum quodam Roberto religioso et litterato Igniacensi monacho quem secum utpote familiarem ad suam consolationem habebat, Igniacum veniebat. Orabat autem Dominum ut sibi inspiraret ad cuius electionem ipse aspirare deberet. Hec eo cogitante simul et orante, vocem audivit sic dicentem: « Cum veneris ad locum illum, » tocumque ei quadam nota cuius non recordor designavit, « quod requiris agnoscet. » Iam fere locum attingebat et voti compos non erat. Orabat ergo attentius et Dominum de promissi solutione pulsabat. Vox igitur iterato ad ipsum facta sic ait: « Interroga illum monachum qui te comitatur; ipse tibi dicet quis futurus sit Abbas. » Accersito statim monacho, videlicet pronominato Roberto, Pater eum convenit hoc modo: « Pergimus, inquit, Ignacum, et credo quod ex me plurimum pendebit Abbatis electio. Vos igitur qui fratrum mores multo experimento cognoscitis, intimate mihi quem dignorem hoc officio judicatis. » At ille non propheticō spiritu sed desiderio promotionis illius, et quoniam eum diligebat dignumque

promotione sciebat : « Incunctanter, inquit, et absque A deliberatione respondebo. Nullum vobis digniorum judico, ideoque vos futurum Abbatem predico. » Vir autem Domini conservabat omnia verba hec, conferens in corde suo ; et quanquam quod de se futurum fuerat jam ignorare non poterat, iterato tamen interrogat eum sic inquiens : « Scio, frater, et certus sum quod promotionem meam velletis, sed hoc non est in vestra positum voluntate. Volo igitur omnino ut alium quique dignus sit eligi nominetis. — Nullum, ait, alium nominabo ; vos Abbas eritis, vos desiderant universi. » Ventum est Igniacum, et unanimi cunctorum consensu absque ulla contradictione electus est in Abbatem ; quam nichilominus electionem aliud, ut dixerim, tale precessit presagium.

## XI.

Erat in Abbatia frater religiosus et bonus, qui que diu precentoris functus est officio, nomine Nicholaus. Hic ipse mihi retulit quod eo tempore quo sedes illa vacabat et in pendulo forent fratres et electionem prestolarentur, idem super hoc negotio sollicitus Doninum jugiter precabatur ut eis idoneum provideret Abbatem. Cui quodam tempore Dominum deprecanti vox manifeste sic ait : « Nicholae, habebis Abbatem, et ille ostendet tibi quid te oporteat facere. Quere beatum, O admirabilem virum, Q vere imitatem Petri Petrum. » Et ideo jure Dominus ei testimonium perhibebat quod prius apostolorum Principi Petro perhibuerat. Et revera, non solum prenominato fratri sed omnibus qui in domo erant, forensibus etiam qui eum videre, audire et nosse meruerunt, verissime et Xpiane religionis ostendit exemplum. Siquidem aliquot annis illi presuit Abbatie in sanctitate et justicia coram Deo, in magno nomine, in celebri fama, in bono opere coram mundo.

## XII.

Ejus igitur conversatione singulari et ardua præfatus Nicholaus accendebar, simulque ammonebatur intelligere que ei ab eo apponabantur et præponebantur. Et memor vocis quam audierat, sciensque quia similia oportet eum preparare, etiam supra communem ordinem aliquid attemptare volebat. Sed quia delicatus erat et debilis nequaquam presumebat. In hac fluctuatione positus, aliquando vocem audiit sic dicentem : « Nicholæ, nunquam fornicides agere penitentiam. » Hoc commode michi videor posuisse ad confirmationem eorum qui in pusillanimitate sunt spiritus et tempestate (*Psal. xxxiv*), qui timent pruinam et irruit super eos nix (*Job vi*). Modus tamen constituendus est audacie et habenda pia et discreta discretio fragilitatis corporee ; et illud est attendendum : *Spiritus quidem promptus est, caro autem infirma* (*Matth. xxvi*), et carnis cura sicut non in desideriis sic in necessitatibus facienda est ; quod ita fecisse sanctum Dei animadvertis.

## XIII.

Nam cum comedens aliquando cum ipso, vidensque eum pisces coram positos non gustantem, aliisque nichilominus cibis parcentem, ac miserans illius, ipsum nimie parcitatis arguerem : « Immo, inquit, parcias comederem, nisi meo corpori parcerem. » Parcebat ergo corpori suo etiam cum parcissimus in cibo et potu et esset et videretur. Ex quo etiam in ceteris temperans et discretus et moderatus fuisse recte conjicitur. Quoniam ita virtutis appetebat excellentiam ut non dimitteret temperantiam, que quarta inter principales virtutes tantam habet gratiam ut sine ipsa cetere tres gratie gracie esse non possunt, bene ergo de ipso quemdam religiosum virum et sapientem, id est Gillobertum Abbatem Fusniacensem, audivi dicentem quod neminem vidisset cui de singularitate minus male contigisset : nimirum singularitatem suam singulariter, hoc est temperanter et prudenter regebat, licet plerisque enim intime nescientibus simplex videretur et hebes ; quod ei contingebat ex ardiloquio, et quia cum loquebatur lingua ejus Latium redolebat. Denium omissa bona sua studiosius occultabat. Erat autem revera perspicacis ingenii, sanique nultum consilii, et in operibus suis regendisque subjectis moderatus et discretus. Denique cum virum venerabilem, industriumque pariter et honestum, ejus cellerarium, aliquando convenissim, conquerens scilicet quod, ut dicebatur, Abbas ejus religiosus quidem sed durus foret, nimium severus, pariter et agrestus, respondit ille qui mores illius, qui vitam, qui instituta, qui consuetudinem longa societate et experientia sciebat : « Revera, inquit, durus est et severus, sed sibi, non aliis. Nam alius plus est et misericors, et in tantum ut nos qui curam illius majorem habemus et sumus illius adjutores, aliquotiens de ejus benignitate et patientia, ut nobis videtur nimis, marmuremus, fervorem ordinis suo tempore lepuisse non detrahendo sed zelando dicentes : ceterum cum ejus intentionem perpendimus, cum rationes ejus operum previas et nobis ab eo redditas audimus et auditas pensamus, eum sic et non aliter agere debere cognoscimus ; quoniam non litteram sed spiritum et caritatem que lex Dei est et vinculum perfectionis, et ex qua sola vita procedit, magis attendens quam instituta et aëlinventiones hominum, jactram quarundam observationum faciem estimat : non eas tamen dimittens, non negligens, non contemnens, sed pro persona, pro loco, pro tempore temperans ; dum scilicet attendit hinc ordinis rigorem hinc humanam infirmitatem, cunctis viribus elaborans ut Adelis sit dispensator : quod tunc assequi se credit indubie si ex indulgentiis quibusdam, licet notam aliquam et aliquod videantur afferre dispendium, caritatis fratrum ac pacis ac voluntarie servitutis recepit compensationem, non magnipendens si ei super hoc ab aliquibus detrahatur, tam ei para conscientia et Dei veritas attestenter. »

Nempe vir iste non erat ex illis qui culicem colantes camelum glutium (*Math.* xxiii), qui decimant olus omne et graviora legis relinquunt; qui inter bonum et malum, bonum et melius, malum et pejus discretionem non habentes, quodique deterius est, que sua sunt non que *Ihsu Xpi querentes* (*Philip.* ii), licet cure gregis excubare videantur, ignorantia tamen vel malicia ipsi errantes et alios in errorem mittentes, multa faciunt, parum proficiunt, folia multa sed parvum fructum afferunt; quin etiam rixantur de lana sepe caprina et nil patiuntur super contritione Joseph. Petrus autem edocitus, revelante Spiritu sancto, quod ex operibus legis non justificabitur omnis homo (*Gal.* ii), et quia *Deus spiritus est et eos qui adorant in spiritu et veritate oportet adorare* (*Joan.* iv), spiritus et veritatis ardentissimus emulator, justitiam, non que ex lege est et operibus, sed que ex spiritu et Deo est copiose possidebat. Ex qua et ipse justus dispensationes suas justificat et auctoritate que sanctitatem sequebatur eis non solum victoriam sed et gratiam assequebatur. His per digressionem fortasse, sed tamen ex materia pendentibus expositis regressum ad materiam faciemus. Inter hec homo Dei visionem vidi magna admiratione nec minus memoria et relatione dignissimam. Eam sicut ab alio scriptam repperi eis que scribimus copulav. Ea autem est hujusmodi.

## XIV.

Quodam tempore cum advenisset Ursicampum Abbas Ignaciensis Petrus nomine, vir omni sanctitate conspicuus, letabunda et gaudens in ejus adventu domus tota gavisa est, reverentiam exhibens qualem sua sanctitas exigebat. Tunc Dominus Abbas et Prior, quia visionem eum vidiisse cognoverant quam ex ejus ore qui eam viderat cupiebant audiire, sequestrantes eum de medio in partem alteram ducent, quasi de rebus secretioribus locuturi. Cumque sedissent eum venerabiliter alloquuntur procarique incipiunt ut ordinem visionis quam viderat eis aperire dignetur. Tremens ille ac pavens, et quasi ignorans quid quererent, visionem se vidisse in quantum potest dissimulat et illorum precibus nullatenus acquiescit. Rogant illi semel et iterum; negat ille. Laudabili tamen eorum importunitate devic:us, tum quia Prior ei Scripturarum testimonio demonstrat peccati reum esse in fratrem qui fratri rem edificationis occultat, tum quia Dominus Abbati negare nil potest, quia tenere diligit eum a quo versa vice non minus ipse diligitur, tandem vix erumpentibus verbis, narrationem suam sic incipit exordiri:

*Erat in Archiepiscopatu Remensi miles quidam, nomine Balduinus, vir clarus genere, vir temporaliis rebus exuberans, sed non minus abundans peccatis. Nichil siquidem mali relinquens non factum nisi quod facere ipse non poterat. Miles iste eo tempore quo cum Remensi Archicpiscopo guerram exerceret, toti patrie et maxime vicinis dominibus malum primum inferebat; res autem domus nostre, quam*

A pre ceteris religionis dominibus ampliori amplexabatur anoris affectu, non solum non auferebat, sed etiam a quibuslibet aliis tuebatur, rebus nostris et nobis omnibus multam reverentiam exhibens. Accidit autem ut in lectum tandem decideret, tactus egritudine corporali. Cumque moriturum se esse cognosceret, per nuntium suum ut ad visitandum eum venirem sum mandatus; et mandatus statim adveni. Auditaque ejus confessione cum viderem quod penitentia ducetur et quod de cetero bonam voluntatem haberet, monui eum ut renuntiaret seculo et habitum religionis assumeret. Acquiescit ille consiliis; querit licentiam a conjugi, sed non invenire potest. Videns igitur quod veniendi licentiam non haberet, postquam eum sacro oleo inunxissem, ad monasterium sum reversus. Interea paucis diebus evolutis, morbo invalescente, cum jam spes de eo parentibus nulla supervesset, ad nostrum monasterium ab eisdem parentibus adducitur. Occurrerit venienti, et devote a nobis suscipitur. Deportatur in cellam, sacro vestitur habitu et ei deputantur custodes. Huius cum una nocte morti eum appropinquare sentirent, ad convocabundum fratres tabulam pulsant, sicut nostri ordinis consuetudo expostulat. Excitantur fratres, venitur ad infirmum; ego quoque inter ceteros adsum; officium imleo; septem psalmos conventus decantat, sed nondum migrat infirmus. Videns igitur quod non tam cur moreretur, ne fratres qui sacris vigiliis debebant interesse nimis affligerentur, annuo eis ut se recollocent. In illa hora duo ex fratribus super infirmo duas rationes riderunt.

*Visio unius in cubili suo hec erat: Videre videbatur quod totus conventus ante infirmum stare, inclinatoque eo humiliter pacis osculum labiis ejus impimerent.*

*Videbat alter, sed in visu noctis, quod infirmus jacens in lecto vellet de lecto surgere sed non posset. Cumque ei adcesserit ut adjuraret cum, uit infirmus. « Noli me adjuvare, ope tua non indigo; nam beatus Benedictus adjuvat me, qui etiam manuat Abbatii ut ipse mihi faciat coronam. »*

*Nec mora pulsatur secundo tabula. Excitantur de novo fratres, reniunt iterum ad infirmum. Migrat infirmus de corpore et corpus in ecclesiam deportatur. Ibique remanentibus quibusdam fratribus qui circa defunctionem psalmos decantarent, conuentus se recollocat. Ego quoque ea nocte paulisper egrotans cum ceteris rado pausatum. Cumque jucerem in lecto adhuc vigilans et nondum dormiens, cepi cogitare tecum et quasi dicere michi: « Domine Deus meus, quid erit de homine isto, quem luntorum astringunt vincula peccatorum? Quid ei prodest quod mala sua confessus est? Quid quod in extremis penituit? Quid quod habitum religionis suscepit? Ubi est nunc ipse? Bene illi est an male? » Dum hoc mecum tacitus cogito, vocem audio sic dicentem: « Ipse multum tridiget auxilio. » Audiens ergo quod auxilio indigeret, statim ad ecclesiam rado in spiritu et quasi gerua flectens ante singula astantia sanctorum quorum ibi*

memoria habebatur tota devotione qua possum patrociuia imploro, quatinus ei qui venia indigebat misericordiam a Domino impetrarent. Et hoc facto clauduntur oculi et subito labor in somnum. Moxque ut dormire ceperam quasi grandi mole sentio me gravari; intellexi autem quod malignus spiritus esset qui me opprimebat, qui etiam dicebat michi: « Quid est quod facere intendis? Respondi: Quid, inquam, facere intendō ego? — Putas, inquit, Balduinum te posse auferre michi pro solo religionis habitu quem suscepit? — Puto, inquam. — Nonne, inquit, jure meus esse debet qui omni tempore vite sue servivit michi, qui in peccatis suis usque in finem vite sue permanxit? — Cui ego: Non nego. Verum nonne peccata sua confessus est, nonne in extremis penituit, et ad Dei misericordiam confugit? Et si cetera omnia taceam, nescis quia sanguis Xpi pro peccatoribus effusus est in remissionem peccatorum. Per preciosum illum sanguinem qui detatere dormientis in cruce manavit te conjuro, maledicte, ut hinc protinus abscedas et in illum nullam habeas potestutem. Audito ille Xpi sanguinis nomine, virtutem adjurationis non serens, virtus et confusus abscessit. Ego autem exilaratus quasi de victoria in vocem jubilationis et laudis pre cordis exultatione erumpens, « TE DEUM LAUDAMUS » cantare cepi. Cantavi autem dormiendo usque ad illum locum ubi dicitur: « TU REX GLORIE XPE, » ubi a sonno evigitans et ordinem rei geste luce intuens clariori, in Dei laudem et gloriam totum hymnum persolvi. Et cum ictum verum adhuc in ore haberem — « IN TE, DOMINE, SPERAVI, NON CONFUNDAR IN ETERNUM » — horologium cadit et ad matutinas pulsatur. Vudo ad vigilias, non immemor vocis que michi dixerat Balduinum indigere auxilio. Orationem tota nocte dirigo ad Deum pro eo. Die jam facto, fratribus congregatis in capitulum, injungo eis pro defuncto usque ad trigesimum diem sine intermissione offerre hostiam salutarem, statuens et ipse facere quod aliis injunxit, id est triginta diebus immolare pro eo. Per dies igitur illos triginta in quibus a nobis omnibus oratur pro eo sepe apparuit michi Balduinus veniens ante me et assistens michi quocumque essem in loco. Apparebat autem in specie supplicantis, tanquam si diceret se indigere auxilio, et postularet pro se orari; et hoc tunc maxime faciebat quando devotio nostra tepida erat et languens, vel quando quacumque de causa missam non poteram celebrare. Non dico quod per illos triginta cotidie dies apparuerit michi, sed per illos triginta dies sepe. Accidit quoque ut quadam die proficiserer ad grangias domus nosire et eo die missas cantare non potui. Cumque revertenser ad monasterium apparuit michi in via supplex et multo tristior quam solet, quasi dicere ea die vellat sui me suisse immemorem. Jam autem tricensario evoluto, die qua ab universis populis crux adoratur, cum sederem in presbiterio induitus sacerdotalibus indumentis, ut sacra missarum sollemnia celebrarem, et jam in ecclesia secunda lectio legeretur, ingrediens vidi duos homines vestitos purpura

A speciosos nemis et desiderabiles ad videndum, venientes per medium chori, qui inter se fratrem Balduinum vestitum ysembruno medium deducebant; cumque adduxissent eum ante me in loco quo sedens eram, presentaverunt eum michi atque dixerunt: « Hie est Balduinus. » Et ecce cogitante me quid de eo essent facturi, ducunt eum ad altare et sic eum offerunt. Et hoc facto risio non comparet. Frater vero Balduinus qui socius apparuerat michi, a die illa et in reliquum nunquam michi apparuit. Rediens ergo ad me ipsum et considerans quid hujusmodi visio figuraret, intellexi quod postquam frater Balduinus altari oblatus fuerat, eum esse reconciliatum. Per nigrum autem vestem qua erat induitus adhuc et inesse aliquam maculam peccatorum atque eum penitentie subjacere. Ecce quid de isto milite viderim scitur.

B Paulo antequam iste de quo diximus moreretur, miles quidam in extremis positus ad se visitandum me mandarit. Ad quem cum ego venisset, confessione ejus audita nil ei melius consulere potui quam ut renuntiaret seculo et ad Dei consurgere misericordiam, quam solam ei superesse credebam. Ostendi itaque ei Vallem Regis, domum quamdam nostri ordinis que domui sue vicinior erat et habitus religionis induit; ego autem revertor Igniacum. Cumque ea nocte lecto jacerem, adhuc vigilans cepi cogitare intra me et quasi dicere michi: « Quid putas proderit militi isti religionis habitus quem assumpsit? quod fecit non tam fecit voluntarius quam incitus. Si enim adhuc habuisset tempus malefaciendi, forsitan mala fecisset. Denique non tam sua peccata divisit quam sua eum dimiserunt. » Dum hec mecum cogito, vocem audio sic dicentem: « Multum proderit ei. Et hoc scito quod in isto et in quolibet qui in habitu ordinis Cisterciensis moritur, nullam habiturus est diabolus potestatem donec data fuerit de eo sententia. » Audiens autem vocem statim intellexi posse esse verum quod illa dicebat, similitudine tali unum subintrante. Si rex famulum habeat qui odio habeatur ab omnibus, quamdiu famulus ille signum regis habuerit et litteras ejus, et quamdiu incertum fuerit utrum diligatur a rege an odio habeatur, inter medios hostes sine contradictione potest securus incedere. Si vero declaratum fuerit quod rex eum odio habeat, et si eum de domo sua ejecerit, ex hoc jam non erit qui non dilapidet eum. Sic etiam qui signa militiae Xpi secum habuerit, stigmata ejus portans in corpore suo, religionis habitu induitus qui est tunica Salvatoris, hostium suorum cuneos potest penetrare securus, nec ullam habet in eum diabolus potestatem: adhuc ignorans quid de eo Dominus velit. Si autem voluntas judicis super eo fuerit enodata et prolata sententia testis extiterit quod ille non placeat Deo, ex hoc jam potestatem malignus accipit et debitum potest exigere usque ad novissimum quadrantem. Hac ergo visione confortatus fratri Balduino consului ut seculo renuntiaret vel moriens. Sciebam enim quod pròdiceret et quantumlibet pec-

*catorum religionis habitus etiam in ipso mortis assumptus articulo.*

Visionem hanc vidit venerabilis Abbas Ygnaciensis; quæ dubietatis scrupulum nobis ideo non relinquit quod ad aures nostras non sit per tertianam transfusa personam, sed suo ipsius ore relata qui eam vidit. Et licet testimonia ejus credibilia facta sint nimis, ego tamen ut visioni huic ideo certior habeatur, tali cam attestatione confirmo: nisi vera sit visio que litteris istis explicatur humerus meus a junctura sua cadat et brachium meum cum suis ossibus confringatur; sit celum quod super me est creum et terra ferrea; pro frumento oriatur michi tribulus et pro ordeo spina.

#### XV.

Attestationi premissæ meum testimonium addabo: licet pondus auctoritatis non habeat, habet certe sinceritatem veritatis. Cum igitur anteposita relatio in manus meas venisset non sui contentus scripture testimonio, sed copiam videntis simul baculum studui. Non nude, non aperte, sed, ut ita dicam, furtive et quibusdam insinuationibus quas hic ponere et exponere longum foret, suadeam ut quod viderat de milite Baldūino ad meam michi edificationem narraret. Quid multa? Victus demum importunitate mea, amore nichilominus et allegationibus superatus sic respondit: « Dicam quid queritis, sed dicere me gravabit. » Seriatim ergo et scripture consonanter omnia michi confessus est et ita memoriter ut ejus memoriam plurimum admirarer.

#### XVI.

Henricus comes Campanie filius illius Theobaldi cuius memoria cum laudibus et merito continetur in Vita sancti Bernardi, precatus est aliquando servum Dei ut pro se Dominum precaretur. Celebravit ille missas intercessurus pro eo; expletoque mysterio, cum extremam collectam dicturus ad suos se convertisset ministros, absentem comitem vidit presentem, signum crucis habentem in veste, sicut habere solent qui Jerosolimam proficiunt proponunt. Nondum tamen, ut comes postea professus est, sibi signum crucis aplaverat, sed ea die post multam fluctuationem, post longam deliberationem hoc se facturum indubitanter firmaverat.

#### XVII.

Sedebat aliquando in Capitulo vir beatus. Erat dies annua ab obitu ejusdem fratris. Precentor ad cuius hoc officium pertinebat suggestit ei ut fratrem, sicut erat consuetudo, absolveret. Absolvit eum, premisso tamen subunisse tali verbo: « Indiget absolutione, » Quidam de senioribus cui nomen Johannes, quo etiam referente hoc didici, non procul sedebat ab ipso et premissum verbum audivit. Data opportunitate causam sermonis illius indagans audivit ab eo: « Nuper, inquit, vigilanti michi sensibilius apparuit, et interrogatus an adhuc Dominum nostrum visderet, respondit: « Nondum tempus; » et hoc dicto disparuit. Testabatur autem predictus Johannes quod religiose diuque conversatus in Ordine, et

A biennio suum obitum præcedente morbo multum molesta, et ut ipse putabat purgatorio fuerat fatigatus. Sed nimis non solu[m] arcta verum et longa via est qua ducit ad vitam (Matth. vii), et ad visionem summi boni et præcellentis illius nature ad quam non nisi purgatissimus poterit pervenire, testante ipsa Vita et dicente: *Beati mundi corde, quoniam ipsi Deum videbunt* (Matth. v). Quis igitur gloriabitur mundum se habero cor? Ita tamen ut qui gloriantur, in Domino glorietur, id est in veritate que non mentitur, non in opinione que fallit et fallitur. Sunt enim plerique in quibus mentitur iniq[ue]s sibi, singentes et pingentes Dei misericordiam secundum suam voluntatem, cum misericordia Dei justiciam ejus non evacuet, et per multas tribulationes, hoc est purgationes, oporteat nos intrare in regnum Dei (Act. xvii). Non igitur qui manus suas miserunt ad fortia (Prov. xxxi) fastidiant Ordinis disciplinam, que in presenti videtur habere aliquid non gaudii, sed meroris. Exercitatio autem per eam reddet pacatissimum fructum in hac vita justicie, et in futura glorie. Non murmurant de asperitate itineris, sed attendant fratrem prefatum qui diuturna et ardua conversatione, bie[n]nia corporis passione, tanquam aurum in fornace purgatus, et ut argentum igne examinatus, nec sic tamen perfectus inventus est. Igitur etiam sibi non male concu[m] presumptioni frenum timoris imponat, et paveat, et alas suas demittant. Opus est siquidem longo labore ut materialibus ab anima rebus et fantasias rerum abrasis, memoria nil tenet, ratio nil videat, voluntas nil diligit preter Deum, qui est memorie forma originalis, lux incorporeæ rationis, et incitamentum est igneum voluntatis, summum bonum, beatum bonum, beatissimum bonum hominis. His breviter dictis ad excitationem quorundam dormientium ad propositum redeamus.

#### XVIII.

In structura exilia non minus quam magna aliquociens necessaria comprobatur: igitur pouam hic aliquod parvum, quod et si nullam de utilitate gratiam pro brevitate tamen veniam promerebatur. Est michi frater volbis quem sermo presens alloquitur non ignotus. Hic ab adolescentia usque ad senectutem morbis multiplicibus fatigatus longum probatur traxisse martirium. Aliquando corporis ejus incommoda eo usque cœverunt ut desicere putarentur. Scripsi ad virum Dei adhuc in carne manentem ut manum intercessionis porrigeret. Ea nocte qua orabat pro egroto visum est ei quod nudus staret coram homine Dei et ab ipso durissime vapularet. Mirabatur contra se insolitam severitatem illius, sed miranti sua conscientia respondebat: « Deus est qui te verberat. » Vivit usque hodie flagellum patientius ferens cuius Deum interpretatur auctorem. Aliqui forsitan somnium iuane videbuntur, sed orationis illius et visionis istius concurgus me ut hoc scriberem provocavit. Jam illud quod subjiciam ipso michi retulit vir beatus.

## XIX.

Erat in quadam ecclesia et in oratione sua constitebatur Domino. Apparuerunt oranti effigies sanctorum Bernardi et Malachie. Conversus ad ipsos suam orationem et intentionem direxit. Tunc unus eorum dixit ei : « Tu eris abbas Clarevallis. » Disparuerunt illi et territus ipse remansit. Territus, inquam, quia sicut postea michi cum gemina favebatur, nunquam hoc fieri voluisse; et tamen dubitare non poterat super hoc eadē divinitus auctorierat.

## XX.

Elapso post hec aliquo temporis intervallo Abbas Clarevallis Geroldus, vir honestus et multis gratiis decoratus, Igniacum devenit. Erat tunc Ignaci quidam monachus, immo demoniacus, Judas inter apostolos, Satan inter Dei hostios, Hugo de Basochiis hic offendental Ordinem in gravibus multum excessibus, et Abbas prenominatus eum in regnari vindicta. Nactus igitur tempus oportuum quo suam ulcisceretur injuriā, furii agitatus inquis, dirum virū sub pectore versans, apud se de illius nece fractabat. Cum igitur sero esset die uno solebat in vestibulo domus infirmorum frater quidam religiosus et humilis, Haymo nomine, natione Remensis. Hic, sicut ipse michi confessus est, vedit manifeste duas horribilis forme personas et quas esse demones dubitare non poterat, ingredi domum illum. Eo tempore satelles ille Satane, Hugo predictus, cum fratribus egris corpore, mente jacebat egrotus. Media nocte surrexit Abbas ad confitendum Domino et nocturnis vigiliis intersuit. Necessest poscente in dormitorium conventuale perirexit. Ubi Hugo in insidiis positus ut interficeret innocentem (Psal. x), ferro ad facinus preparato, ipsum letaliter vulneravit. Vixit usque in diem sequentem. Circa vesperum positis coram ipso fratribus dixit : *Dirige me, Domine, in veritate tua et doce me quia tu es Deus Salvator mens et te sustinui tota die (Psal. xxv).* Et cum hoc dixisset, obdormivit in Domino; et, ut credimus, martyr insignis celos perivit sanguine laureatus. Cujus corpus de more compositum Abbas Petrus usque Claramvallem deduxit, multum metuens ne quod audierat impleretur : « Tu eris Abbas Clarevallis. » Sed sortitus est sorte ministerii hujus quidam Henricus, vir potens in opere et sermone; quo post modicum in episcopum cardinalem assumpto, sedes illa vacabat et iterum tractabatur de electione Abbatis.

## XXI.

Erat in Claravalle Prior claustralil Gillebertus, Abbas hodie Fusniaci. Hic beati viri sincerissimam sanctitatem intime cognoscens et optime, scilicet ut unicus ejus et familiaris amicus, sollicite cogitabat eum ab Ignacio in Claramvallem transferre. Dum hoc volveret in animo quidam de fratribus animum ejus et intentionem prorsus ignorans confessus est ei dicens : « Piam, inquit, gero sollicitudinem nostrae domus, et ignoro quem nobis Domi-

A nus pastorem providere proponat. Ceterum talis visio michi ostensa est : Nuntiabatur nobis ad hanc domum Xpm Dominum advenire. Ad fines monasterii occurrebamus obviam. Videbamus cum non habentem speciem neque deorem, statura brevem, habitu pauperem, aspectu contemptibilem, nulli tamen erat ambiguum quin ipse esset Dominus Ihs Xps. Haec visionem conferens et comparans suo proposito Gillebertus uil aliud poterat interpretari Xpm nisi Petrum verissimum Christianum et vere Christum, id est celesti crismate, id est Sancto Pneumate unctum, qui in oculis hominum pauper et modicus videbatur, virorum novissimos et tanquam a Deo percussus; ceterum omnis gloria ejus erat ab intus, ubi preciosa margarita fulgebat in corde et ubi erat locus Domini, tabernaculum Deo Jacob : tabernaculum, inquam, inde, caritate ceterisque virtutibus, sicut palliis auro argento lapidibus preciosis constructum, ornatum, spaciosum, speciosum et preciosum, sed exterius cilicio coopertum, ubi desiderium visionis divine erat, in odorem suavissimum Domino, ubi concentus et consonantia rationis et affectionum reddens mellifluam armoniam, divinum etiam demulcebat auditum. Competenter igitur et merito in habitu pauperis Petri Xrs apparuit; et qui transformabit corpus humilitatis nostre configuratum corpori claritatis sue (Philip. iii) transformavit corpus claritatis sue configuratum corpori infirmitatis nostre, et cum in forma Dei esset et esset equalis Deo, semetipsum exinanitur in similitudinem Petri factus, et habitu intentus ut ipse (Philip. ii).

## XXII.

Gillebertus igitur hac visione factus animosior, vicinos Abbates et Petrum ex nomine convocavit; et Petrus quidem citatus aufugit. Ceteri nichilominus venientes, consentiente conventu, ipsum elegerunt absentem. Nec fuit qui contrariebat, admirabilem virtutem illius cognoscentibus universis. Quesitus ergo inventus est in quadam grangia Ordinis illius inter conversos conversans. Et ea die inventus est in pratis sene vertens. Inde ductus Ignacium cum precibus vinci non posset, Ordinis auctoritate coactus suscepit officium invitus, nolens, ad dictus. Crastino cum prolicisci vellent et tendere Claramvallem, valida febris invadit Gillebertum superius nominatum, qui unus erat querentium eum, querentium hominem Dei Jacob (Psal. xxiii). Venit ad eum homo Dei conquerens et dicens quod omnia per ipsum facta forent, et nunc contra jura amicitie eum in necessitate desereret. Necessitatem suam non mendacium ille pretendit; ad quod sanctus Abbas respondit : « Surgite, eamus hinc : febris vobis ulterius non nocebit. » Surrexit et cum servo Dei abiit, et post paululum febris eum dimisit. Itaque usque Claramvallem deductus a fratribus ut angelus Dei, ut homo missus a Deo, cum devotione et gratia eunctorum suscepit est. Ipse vero venit ad eos non in sublimitate sermonis, non in persua-

sibilius humore sapientie verbis, sed in ostensione spiritus et virtutis, in veritate et perfectione Christiane religionis, quarum rerum eis exempla veneranda monstravit.

## XXIII.

Post aliquod tempus visitabat abbatas Clarevallis filias et Gillebertus cum eo de Boeris novus Abbas. Porro Gillebertus equo insidebat, alias quidem commodo sed sepius offendebat ad lapides pedem suum et erat ad periculum residenti. Petrus autem attendens equum pedibus frequenter offendere et casum metuens Gilleberto, arguebat eum quare eo animali uteretur, unde ruinam damnumque corporis facillime posset incurrere. Ad hec ille: « Molliter, ait, et apte vehit et non est insidiosus, propter quod usum ejus multum amplectior. Ceterum si michi metuitis et vultis michi prodesse, rogate Dominum ut hoc vicio amplius non laborete. Itane, inquit, orationes effundende sunt potius quam fundende? Nunquid enim de bobus cura est Deo? (I Cor. ix.) Attamen oro Deum ne ita corrut ut vobis malum faciat. » Usus est et postea multis annis nec eccecidit, stabili nam fuit ille pede. Et ne causi potius quam Petri meritis ascribatur, statim ut Gillebertus Fusniacum translatus equum et Boerias deseruit, quidam ex ejus loci fratribus equum ascendit, sub quo immo super quem quadrupes tam crudeliter corruit ut frater, fracto crure, Iesus infelicitate ad monasterium sit relatus.

## XXIV.

Propter eximiam sanctitatem et conversationem ipsius, et quia nemo poterat *hec signa facere nisi esset Deus cum eo* (Joan. iii), que etiam sibi mutuo attestabantur, *sicut cynamomum et balsamum aromatizans odorem dedit, et quasi myrra electa dedit suavitatem odoris* (Eccli. xxiv): et hic odor se longe lateque diffuderat, et super omnia montana non solum Francie sed et ceterarum regionum divulgabantur omnia verba hec, et erat celebre nomen ejus, et plurimi sicut prophetam eum habebant, videbantque eum cum gaudio, utpote amicum Dei et familiarem ipsius. Denique Papa Romanus fama tam felici permotus quanti penderet eum satis ostendit, dum ad se, volens illum videre, vocavit. Mestus, ut aiunt, peregrinationem illam suscepit, sed obediens summo Pontifici ire non distulit. Erat idem Papa etate senex, senio gravis, egritudine tactus qua et postmodum defecit. Exhilaratus tamen ex adventu ipsius, vestibus pretiosis ornatus, sedens in tribunali, cardinalium circumstante corona, festivus eum et letabundus exceptit. Inde ducens eum in locum secretum, apostolica majestate deposita, coram ipso, immo revera coram Xro qui in illo signis evidenter apparabat, humilians se, omnia sua confessus est ei, ac de sacratissima manu ipsius coram ipso missas celebrantis Eucharistiam sanctam recepit; habitum quoque Cisterciensis Ordinis volebat assumere, sed vir Domini quo quidem nescio, sed sane sauo consilio fieri non permisit. Locum quo-

A que in quo abbatiam sui Ordinis instauraret, immo potius restauraret, siquidem ibi abbatia fuerat se. l destructa tunc erat, sumptus necessarios ad perficiendum Dominus Papa donazivit. Post hec servum Dei secum aliquandiu demoratum, cum remanere non vellet, honoratum, quin etiam munerationem, redire permisit. Romane Curie detrahitur quod magnatum facies favorabiliter suspicere et opes sulcat exhaustire potentum: jam nunc ei parcus derogatur. In Petro paupere et in hac parte magno P. tro non dispare, qui aurum non habuit et argentum, nudam venerata est virtutem, rebus ipsis confessa verum esse quod ethicus ait poeta:

*Vilius argentum est auro, virtutibus aurum.*

(HORAT. Ep. i, l. 52.)

B In conspectu ejus vacuos Petrus apparuit, gratisque gratiam invenit, non emit, et ille cui reges Tharsis et insulae munera offerunt, munera Petro pauperi obtulit, unde et Petrus supra petram sui Ordinis edificaret ecclesiam. Felix Petrus qui cum subiectus esset omni humane creature propter Deum, triumphavit montes aureos, non suis viribus, se l per Deum. Felix et Papa Romanus qui cum esset mons aureus elevatus in verticem montium se tamen subjecit propter Deum humillimo omnium hominum.

## XXV.

Positis quiddam parvum apponam unde tamen magnum aliquid valeat estimari. In Gallie quadam pontificali ecclesia inter clericos orta est dissensio super electione pontificis. Presens erat cardinalis

C Romanus in quem clerici. compromiserunt, duos ei proponentes, ut quem nominaret ille hunc eligerent universi. Cardinalis Petrum consuluit quis eorum ei melior videretur; alteri eorum eo quod nobilis esset et dapsilis videretur plures favebant impensius, vellentque plurimum ut ei attestaretur sanctus Abbas; quasi eum probabilius et seniori conscientia promoverent quem tantus vir suo testimonio preluisset. Non erat ille harundo vento agitata, non hominibus placere quererebat sed Deo: ideo secundum suam conscientiam et veritatem respondens, ait: « In duabus falsis denariis melior inveniri non potest. » Confusi sunt illi quoniam Petrus sprevit eos. Quinimmo confusi non sunt et erubescere noluerunt; illum enim nichilominus elegerunt. Vivit usque hodie nobilis quidem genere sed non generosus virtute; et facile foret sed necesse non est nominare personam: satis est si scriptura loquatur materiam nec loquatur auctorem. Inueni licet in Petri paucis sermonibus quatuor originales virtutes: prudenter siquidem in bono duorum comparationem sustulit; nam quia neuter bonus fuit, alter melior dici non debuit. Juste nichilominus egit, qui justitiam non abscondit in corde suo, qui veritatem et salutare Dei dixit (Psal. xxxix): veritas odium parit, et dum odium quorumdam occurtere et gratiam offendere in vero dicendo non refutari, fortis fuit et in seipso

. . . . . *Totus teres atque rotundus.*

Non credideront verbo ejus, et quasi vixius succubuit, non ex hoc movit litigium, non induit merorem, aliter sentientibus non detraxit, et ex hoc temperantiam et modestiam sui cordis ostendit. Ineptum forte, vanumque videbitur asserere in tanto viro juntas, id est quatuor principales virtutes, tam levitamque fragili argumento, cum multis facie multisque modis ipsisque luce clarioribus frequentissime probate sint. Sed ut ait aliquis, « artificis est periti in parvo magna concludere. » quod in exemplo premisso brevi scilicet nos arbitramur egisse.

## XXVI.

Virtutes quidem hujus viri pluribus signis et ipsis insignibus, uti premissimus, probate sunt et ostense; porro patientia que sic asperis exercetur ut vilibus humilitatis fortissimo argumento, quod tamen pretermisimus, in eo est probata. Dum in Valleregis esset Abbas validitudine validissima vexabatur. Cujus mali violentia in capitib[us] proram descendens alterum ex ejus oculis ita dissolvit, ut liquefactus ex toto penitus deflueret, sedemque concavam vacuam relinquens, virum Dei ex Deo etiam tunc beatum Monoculum efficeret. Cogitetur attente tante temptationis immanitas, et in libra justi judicii pia consideratione trutinenter dolor excrucians, deformitas viliscans, privatio luminis minus utilem eum reddens, et illud precipue quod in his omnibus non peccavi t[em]p[or]e ipse labii suis, neque stultum quid contra Deum locutus est sed ut de martiribus sancta canit Ecclesia :

*Non murmur resonat, non querimonia,  
Sed corde tacito mens bene conscientia  
Conservat patientiam.*

Ia vir iste sicut agnus mansuetissimus coram tondente sine voce non aperuit os suum, sed obmutuit, et humiliatus est et siluit a malis (*Psal. xxxviii*); quin immo dicere solebat unum se de suis inimicis evasisse, ut ab altero magis quam a perduto formidaret. Non quia sensus aut membra corporis sui vir consummatissimus adversari sibi sentiret, quippe que potius erant arma justicie Deo, sed nimis ad solatium damna corporis egre ferentium hec dicebat, eos per compassionem in se transformans, eis se per humilitatem assimilans. Membra siquidem sua que super terram erant assiduitate laboris, ardore caritatis, discipline vincibilis subegerat, imperans eis non serviens, utens eis non fruens, immo iam quantum ad se usu eorum non indigens et velud suffragia emendicata contempnens. Quippe qui ut de magno Martino legitur, humanam naturam supergressus, celo teste, Deo presente et adjutore fruēbatur; et tanquam a Domini spiritu per ipsum ad ipsum mente excedebat, ad quem per sensuales conjecturas et corporis labores alii vix ascendunt. Et implebatur in illo Scriptura que dicit : *Et cum simplicibus sermocinatio Dei* (*Prov. iii*), cui quantum fuerit familiaris cum ex pluribus tamen ex eo quod subiectam apparebit.

A

Cum adhuc Abbas esset Ignaci, fratres aliquando Priorem non habebant, cumque eum differret constitutere senior quidam causam dilationis inquietens ab ipso audivit : « Super hoc Dominum rogare non cesso, nec aliquod ab ipso responsum accipio. » Nominavit ille senior unum quem idoneum estimabat. « Minime vult hoc Dominus, » ait ille. Ex his indubitanter licet asserere quod uti Moyses sic iste loquebatur ad Dominum sicut homo loquitur ad amicum suum (*Exod. xxxiii*). Nimis sicut ille locuturus Domino montem ascendit, sic iste in magno non montis sed mentis culmine stetit, ubi more quidem multorum Dominum consulebat, sed more paucorum Dominum audiebat.

## XXVII.

Sed regredientes ad Claramvallem, dicamus quod paulo ante obitum suum vir Dei Petrus, eo trahentibus cum domesticis negotiis, Reinis venit. Ex hoc et venientem vidi et abeuntem longius ipse deduxi. Intuebar eum non minus reverenter, non minus affectuose quam angelum. Intuebar eum et occurrebat magui Martini memoria, quem Severus Sulpicius orator ille nobilis describit in veste hispida, nigro et pendulo pallio circumiectum, asino immo asello gestatum. Conformis iste Martini et ejus emulator expressus equo paulo majore asino ferebatur. Ferebat etiam ad instar mantice puerorum peditum scapularia, capa pendula et vetusta vestitus, rustici

C pauperis expressius quam Abbatis imaginem preserbat. Erat interea ipse statura pusillus, corpore tenuis et exesus, non lasciviis sensibus sed quietus; et terrenis affectibus mitigatis, cogitatione suspensus et velud absens presentibus, ut non homo visideretur sed spiritus. Talem eum tunc vidi, talem notavi, talem credidi, propter quod et loculus sum et talem eum descripsi. Igitur cum de rebus variis colloquentes per aggerem publicum pergeremus, pulvis antecedentium vestigiis excitatus et vento ab opposito flante repercussus nobis molestiam ingerebat, tunc aio ad eum : « Antecedamus precedentes ut procellam hujus pulveris evadamus. » — « Si preambulos, inquit, precedamus, erunt ipsi in sorte qua sumus, et pena reversura est in caput ista sum; nec est caritatis consilium intuitu sui commodi suum proximum molestare. » Erubui, fateor, attendens in me mei curam, aliorum incuriam, in illo autem excellentiorem viam, id est maiorem caritatem : quando iste proximum gravaret in gravibus qui ledere cavebat in levibus? Ibamus interea, nec nos pulvis pungere, ventus vexare cessabat. Igitur ei compatiens, ejusque animum ex animo meo metiens, cum ipse animi patientia speciali passionem corporis superaret, corrigens quod reprehenderat ille, consilium dixi : « Lata est via que nos dicit : jungamur sociis lateraliter, ita illis illesis nos quoque salvi erimus a pulvere, spiritu et tempestate. » Annuit ille, et sic ambulantes, deque rebus variis ut premissus colloquentes, ma

gnam partem diei consumpsimus. Et cum me ratio A licia, in quo quanta fuerit innocentia testatus est, a redditum invitaret, jamjamque separandi essemus, tunc dolore cordis intrinsecus et trahens ab imo sospiria dixi : « Siccine separat nos amara mors ? » Nec hoc dixi tanquam preces futurorum, ex hoc tamen futura predixi. Nam post non multum temporis intervalum transit ille de hoc mundo ad mundi conditorem. De cuius transitu que nobis testati sunt qui fuerunt breviter dicam et sic narrationem istam concludam.

## XXX.

Igitur Petrus cum aliquot annis Clarevallensis presuisset, egressus a Claravalle sui Ordinis secuta quosdam habens Abbates, finitimas regiones perambulans, graviter infirmari et viribus corporis cepit repente destitui. Cununque ipso silentie egritudo periculum imminens loqueretur, accessit ad eum Gillebertus supranominatus qui semper erat officitus super eo, etenim ipsum tenere diligebat, dixitque ei : « Domine, quantum ex habitudine tua perpendo, in proximo est ut recedatis a nobis. » Ad hoc ille respondit : « Hoc puto et spero; nam in hoc anno multis precis effudi ad Dominum ut me liberaret de corpore mortis hujus (*Rom. vii.*). » Interea morbus angebatur, morbidus angebatur. Vix tamen et cum labore usque Fusniacum venere. Ibi visum est fratribus quod iungni deberet, et a superiori cenaculo ubi mansiōnem acceperat, in inferiorem domum quo fieri posset hoc competentius, eum deportare volebant. Ille vero qui nullo unquam labore, nullo dolore victus fuerat, nec foret ipsa morte vincendus, fatiscentes artus spiritum servire coegit. Surrexit, descendit, inunctus est, rediit, et tota nocte usque ad vesperam sic permanxit; et cum jam fratres completorium decantassent Gillebertus, more fideli amici, propius assistebat amico, a quo nimurum paulo post separandus foret, quique in supremo spirito jam positus esse videtur. Hoc ratus Abbas de Valcellis qui et ipse cum ceteris propter astabat in hec verba prorupit : « Quid agimus fratres : homo iste recedit a nobis. » Quod audiens vir Domini elevata manu innuit eis non se tunc sed in crastino migraturum; fratres igitur interim siluerunt, at illi pernox in orationibus suum Domino transitum commendabant. Tenebras rum- D pente dilucido ad ipsum fratres conveniunt, quibus ipse conatu quo poterat Dei dilectionem inculca- bat : et cum ad eos loqui non posset, orare tamen Dominum non cessabat. Itaque sicut placidus et quietus extiterat, ita placide et quiete in ipsa oratione in qua confitebatur Domino, emisit spiritum ad Dominum qui dedit illum; et ad quem alium pergeret ille spiritus nisi ad Dei, immo ad Domini spiritum, cum quo illi inherendo fuerat unus spiritus, ad quem multa et magna merita eum elevabant, a quo nulla malicia eum separabat, in quo et Spiritus sanctus similitudinem suam, immo se ipsum repperit, et funestus spiritus [funereum] nichil invenit. A quo quam longe fuerit omnis ma-

B licia, in quo quanta fuerit innocentia testatus est, me audiente, Gillebertus ille superior et sepius nominatus, qui ejus cum aliis coabitibus confessionem audivit, et qui ejus absque confessione, ut Deo sit Psalmista, sessionem et resurrectionem neverat. Testatus est ergo quod pro omnibus offendis quas confessus in suo fine fuerat, et quas in omni vita sua post inchoatum monachatum contraxerat, ut ejus verbis ular, plus quam Miserere mei Deus et Pater Noster cuvis penitenti non debet injungi. Quod si vetere proverbio paribus facilime congregantur et similia sinilibus naturaliter copliantur, indubitate concidere licet quod verum est quia Petrus hic pauper et modicus celum dives ingreditur, et quorum est vitam mortalitatem et mores sanctis et angelis sociatur. Sed jam spiritu digne pro meritis collocato, corporis exequias prosecuamur.

## XXX.

Quidam de fratribus unum de dentibus ejus proponerat extrahere, pro thesauro scilicet et reliquiis illum servare desiderans; ex hoc se facile facturum presumebat quod os apertum defunctus habebat. Accedens igitur ut plumbum furtum patraret, os clausum et sic obstructum repperit, ut propositum implore non posset. Notatum est ab aliquibus, et quasi pro miraculo habitum, ego autem ut presumptive judicem, hoc arbitror quod singularem humilitatem quam vivus habuerat etiam defunctus servabat. Lotum est illius corpusculum, quod etiam exanime non horrorem sed gratiam possidebat, se retroque impositum licet sepulturam Ignaci in mortali sua humilitate voluisse, tamen usque Claramvallem delatum est. Fratres autem, ut audivimus, ubi Sanctus Bernardus primo positus fuerat ibi propter gratiam meritorum, et quia justi erat monumentum, posuerunt Petrum : nimurum consonantes quorundam testimonio, quibus iste visus est non minoris meriti quam ille. Nam, quod pare dixerim aliter sentientium, ille quidem excelsus in verbo glorie (*Ecclesiasticus. xlviij.*), homo magni consilii, curas Israël et auriga ejus (*IV Reg. xiii.*), scriba doctus in regno celorum, proferens de thesauro suo nova et vetera (*Math. xiii.*), in Ordine Cisterci, in Ecclesia XPI multum fructum fecit in tempore suo. Ille, inquam, lucerna ardens et lucens (*Joan. v.*) posita super candelabrum ut luceret omnibus qui in domo sunt (*Math. v.*), sicut lampas lumen lucis sue radios longe lateque diffudit; iste autem, ut breviter dicam, quasi carbo suescens, sed cinere sue paupertatis opertus, minus quidem splendoris sed ardoris non minus habuit.

## XXXI.

Post obitum exterioris hominis et sepulturam corruptibilis corporis, interiorum ejus hominem, id est animum hominis abesse quidem, sed non obisse, licet etiam filius hoc teneat, tali temen arguento probatum est. Monachus quidam Prior eiusdem cellule sanctum virum frequentare solebat. Hic

gravi quadam temptatione pulsatus et peccati vinculis irretitas eius consilium et auxilium flagitabat. Vir Domini verbum ei impendens solatii bonam spem suæ liberationis habere iubebat. Sed cum fama funeris ad illum venisset, velut obside sue redemptionis perditio, de sua liberatione pene desperans, defunctum quasi viventem alloquebatur et de solutione sue pollicitationis compellabat. Dum taliter ad ianuam divine pietatis pulsaret, in somnis ei sanctus Dei Petrus apparuit, et consolans eum, quod ab omni temptatione sua salvatus esset asseruit. Evigilans ille et quasi somnium quod viderat et audierat reputans, nichilominus sponsonis exitum expectabat. Et ecce infra paucos dies persona quedam cuius amore illico ligabatur et qua vivente se sanari posse non sperabat, nunciatur defuncta; atque ita laqueus contritus est, peccator solitus et justi sermo completus.

## XXXII.

Completus est et sermo iste qui hactenus de iusto isto habitus est; completus est, inquam, sed non plenus, quia nec plane nec satis urbane de ipso est que dici poterant vel debuerant executus. Nam sicut in proemio premisimus, sanctus iste qui iuvenis inchoavit, senex deceasit, sine dubio plura patravit que sunt incognita: et si cognita sunt, alii sed non michi. Siquidem, ut repetam que dixi quandam scribens de domino Willelmo Abate sancti Theodorici qui unus fuit et primus eorum qui vitam scrispere sancti Bernardi, cum premissa michi dicterentur, non ea scribere proponebant nec plura fui sollicitus indagare; jam vero cum calamo manum apponere decrevissem, plura querendi non fuit opportunitas vel facultas. Nichilominus tamen vereor ne iudicer ab humano die virum hunc nimiis laudibus extulisse, quasi aliud habuerim iudicium super vivo quam habeam de defuncto; et item quia eum commendare suscepit, licuerit mihi magis dixisse mira vel magna quam vera; more quorumdam qui declamatorie solent multiplicare loqui sublimia studiosius quam veracia, vel poetarum

*Qui miranda canunt, sed non credenda, poete;*  
ad quæ vel penitus purganda, vel aliquatenus lenienda, licet de premissis dubitare non possit nisi valde perversus; et quia tamen sapientibus et insipientibus debitor sum, epistolam hic ponam quam ipsi, dum adhuc viveret et esset Abbas Clarevallis, porrexii, ut ipsa sit et contra incredulos apologia et operis presentis epilogus, et in ea iudicii mei super eo presentis et preteriti indifferentia cognoscatur. Premissa igitur salutationeloquens et scribens ad ipsum sic dixi:

## XXXIII.

Ego sum Thomas germanus Philippi, unus scilicet de duobus fratribus Radolii quos diligere solebatis, cum adhuc Igniacensi ecclesie Vesta Beatiudo preserset, et fratres illius loci de vestra presen-

tia letarentur, qui nunc absentiam vestram tanto gravius ferunt quanto quid conferret presentia ipsius absentie experimento didicerunt. Sed, ut de magno Martino legitur, cuius ut secundum conscientiam loquar vos estis imitator invictus, nobis estis ablatus, illis de Claravalle a Deo estis donatus; si tamen Clarevallenses in hoc Dei munere Dei gratiam recognoscunt, si non respiciunt in vanitates et insanias falsas, si non secundum faciem sed iustum iudicium iudicare noverint. Quid igitur de vobis ipsi iudicent viderint, ego constanter assero, testimonium in hoc habens ab omnibus recte iudicantibus, quod quicumque vos non admiratur et diligit, decipitur profecto non parum et errat, aut certe vestram virtutem aut veram ipsius virtutis naturam ignorat. Habuerint illi de Claravalle in aliis patribus gloria carismata, in vobis nempe, si dissimulare norunt, habent, quod quanto rarius inventur tanto carius approbatur, vere et Xpiane virtutis exemplar; cuius perfecta effigies et veritas substantialis non est in magnis et mirabilibus huius mundi, nec in eis rebus que sunt secundum seculi iudicium gloriosa, sed in fide firma, in caritate ignea, in humilitate profunda, in rerum visibilium contemptu et continentia, in invisibilium amore et experientia. He sunt vestre et vere divitiae; has magnifice possidetis. Harum conscientia alia in quibus alii excellunt, quod fortius est facere quam habere, contemnitis. Hec igitur fratres vestri videant, et si volunt gloriari in Domino, gloriantur; habent pre ceteris hanc excellentie gloriam quod habent in Dei rebus hominem singularem.

Sed hec dicta sint hactenus, que quidem pauca esse non dubito pro materie dignitate, sed profundiissime et singulari humilitati vestre multa esse multumque onerosa non dubito. Ceterum, ut ad sanctam Paulam scribit sanctus Iheronimus, neque XPI preconia, clam si voluero, adiuratus neque vestras landes tacere possum. Jam nunc prostratus pedibus Vestre Sanctitatis et ipsos pio amplexu et summa devotione deosculans, precor mi Pater, mi Pater, et si de tanto Dei servo ego tantus peccator auderem dicere, mi amice, ut Thome filii vestri, qui hoc vobis scribit, et Philippi fratris mei memoriam habeatis, et hanc pro maxima dilectione quam erga vos habemus retributionem reddatis, ut pro nobis nominatim aliquando communem omnium sed vestrum proprium Deum exoretis; hec desiderabilia michi sunt super aurum et lapidem preciosum multum (*Psal. xviii*). Nec mirum: sicut enim Deo nunquam sine spe misericordie supplicatur, ita constanter credo quod nunquam ei sine obtenu eius misericordie supplicatis; et si non plenum in eis que exigitis, tamen ad aliquod commodum eorum pro quibus rogatis. Et omnino iustum est ut vos supra ceteros nostri temporis quos novimus eum in suis mandatis audiatis.

Congregemus in unum ea que premissa sunt et

velut sub uno solis radio non solum memori sed vi-  
gili quoque cogitatione pensemus. Claudamus hoc  
opusculum et ei metam figentes, non tantum proba-  
biliter sed etiam necessario concludamus quod Pe-  
trus servus XPI fuit verissimus. Imitemur eum, et  
si virtutis imitatione non possumus eum sequi, de-  
bite venerationis et dilectionis contingamus affectu.  
Credamus in XPm et diligamus ipsam in quem ipse  
credidit et quem ipse dilexit, et quem diligens san-  
ctus fuit, et sanctus existens virtutes premissas et  
inultas alias pretermissas patravit. Credamus, in-  
quam, in XPm, se si fide que per dilectionem operat-  
tur, ut ita credentes in ipsum, post vitam tempora-  
lem, vitam que in Xpo est, immo que Xpo est et  
ad quam Petrus processit, nanciscamur eternam.

## XXXIV.

Magistro Henrico monacho Longipontis frater  
Thomas de Radolio salutem. Ex opusculo quod de  
vita venerabilis Petri Abbatis Clarevallis composui  
tollendam censem epistolam in ejusdem operis calce  
locatum, tum, ut verbis vestris utar, quia ad mate-  
riam rei non satis attinet, tum quia adulatio[n]is  
notam gerit, viventi directa : ex quo etiam maligni  
et invidi occasionem repperiunt detrahendi. Credo  
multum majorum ac per hoc vestro judicio, sed  
credo aliquid et meo : unde sine vestri Judicii pre-  
judicio presumo dicere : « Non michi ita videtur. »  
Cum enim virum illum virtutis dignum laude inten-  
derim laudare, et epistola laudes ejus epilogando  
contineat, ad rei materiam indubitanter pertinere  
probatur ; sed nevum adulatio[n]is viventi porrecta  
pretendit : a simili adulatores dicentur magni viri  
qui laudes magnorum virorum ipsis viventibus  
descripserunt, ex quibus nominatim, ut reliquos  
sileam, Sulpicius Severus et Abbas sancti Theodo-  
rici Willelmus historias laudesque scripserunt,  
ipsis adhuc viventibus, magni Martini vestrique  
Bernardi. Nec illi pro laudibus suis evanuerunt in  
cogitationibus suis, quorum nimirum erat gloria  
non laus humana licet vera, sed veritatis testimo-  
nium et bona conscientia; nec isti dentem invidi  
timuerunt quominus ea scriberent, unde se Deo  
placere et humiles edificare sperabant. Illoc intuitu  
quidam eorum scientes et prudentes in flammis  
manus miserunt quas succendebant illi qui, stimu-  
lante invidia, ea despiciebant et carpebant que  
ipsi consequi non poterant. Igitur et ego, licet illis  
la puritate tantum impar quantum gygantibus  
mani, immo magis incomparabiliter, cum viro  
viventi suas laudes offerrem, adulatio[n]i minime  
serviebam, quia ei non placere sciebam, sed ut  
verum fatear meumque revealem consilium, et vera

A dicebam et hoc eum modo fratribus suis commen-  
dare volebam : timens ne, quia, ut ait sanctus  
Bernardus, omne humile probro dicitur, parvipen-  
derent eum, cuius videntes exteriorem humili-  
tatem, immo, ut magis propri loquar, humiliationem,  
forsitan ignorabant vel minus attendebant intimam  
claritatem. Hanc eorum oculis ingerebam, et licet  
ex directo loquens ad illum, ex obliquo magis illos  
attendebam.

Maneat igitur Epistola si probatis, laudesque  
sancti etiam cum meo rubore contineat : non enim  
in illa propriam sed Dei servique ejus gloriam co-  
gitavi ; linguas inimicorum equanimiter portare  
paratus sum quas presertim occasio talis exacuit.  
Certe si linguas hominum paccatas habuere voluis-  
sem, penitus michi fuerat, cum loqui nesciam,

B reticendum, et item eas si penitus paccare voluero,  
non epistola sola sed prorsus omnia delenda sunt,  
quia et invidi omnia carpere parati sunt, et beni-  
volis eruditis sane et iudicare gnaris ex artibus  
omnia vel plura merito complacerebunt [legendum  
puto : non placebunt]. Ideo cum exceptione, ut  
testatur proemium, quod scripsi scripsi ut legentes  
sustinerent modicum quid insipientie mee, et inter-  
rim contenti nostris ineptiis, prestolarentur qui  
materiam inepte tractatam aptius retractarent.

Ilec notate diligenter, carissime, et ut vel michi  
credatis, vel forsitan fortius evincatis, quia sanctio  
non solum legalis est, sed etiam evangelica quod  
in ore duorum vel trium testium stare debet omne  
verbum (Math. xviii), videat opusculum nostrum  
Dominus Hugo ex-abbas vester, qui hujusmodi  
litterarum usum habens de ipso iudicare callebit.  
Qui cum filii matris sue pugnarent contra eum,  
dum cedere nescit, egressus abiit post vestigia greg-  
rum nostrorum : nunc autem, ut audio, quasi quo-  
dain postliminio per aliam viam regressus est in  
regionem suam. Siquidem illud egit mentis magni-  
tudine, istud modestia ; ibi robustus, hic modestus,  
utrobius justus. Sed pareo, ne iterum judicer adu-  
lari.

C Illud autem in opusculo nostro, in quo Romane  
Curie detrahi videbatur, quis non est tutum in eos  
scribere qui possunt proscribere, delendum vel, ut  
D vobis videtur, vertendum esse consentio, quod et  
ipsum feci.

Si quis amore sancti duntaxat libellulum tran-  
scribere voluerit, utinam haec scribere non emit-  
tat epistolam, ut ex ea satisfiat legentibus ; et quod  
agit et intendit premissus libro prologus hoc repe-  
tit missus vobis, ut sic dicam, postlogus.

*Explicit tractatus Domini Thome monachi de Radolio de vita venerabilis Patris Domini Petri abbatis  
Clarevallis.*